



Broj: 03-33-150/20-8  
Travnik, 16.03.2020. godine

**PREDMET: Inicijalna analiza uticaja korona virusa na privredne subjekte iz SBK**

Vlada SBK na 37. sjednici održanoj 12.03.2020. godine usvojila je Inicijalnu analizu uticaja korona virusa na privredne subjekte iz SBK-a zajedno sa preporučenim mjerama.

U cilju analize postojećeg stanja i poduzimanja adekvatnih mjera na smanjenju posljedica koje su uzrokovane pojavom korona virusa, Ministarstvo privrede SBK provelo je anketiranje privrednih subjekata sa područja SBK na bazi Upitnika. U istraživanju Ministarstva privrede SBK učestvovalo je 36 privrednih subjekata iz 12 općina SBK.

Analiza je obuhvatila privredne subjekte iz metaloprerađivačke, drvoprerađivačke i tekstilno kožarske industrije, ugostiteljstva, trgovine, turizma, proizvodnje kože i srodnih proizvoda, saobraćaja i komunikacija.

Upitnik Ministarstva privrede SBK pokazuje da 58% poslovnih subjekata već osjeća negativne posljedice situacije sa korona virusom na svom poslovanju, a 56% ispitanika uslijed širenja epidemije korona virusa ima upitne ranije dogovorene poslove sa kompanijama iz okruženja, Europske unije i svijeta. Veliki broj kompanija nije u mogućnosti da realizuje ugovorene poslove zbog neisporuke repromaterijala od dobavljača.

Ukupno gledajući, najčešće prijavljene poteškoće privrednih subjekata odnose se na poteškoće u sklapanju novih poslova, dovršavanju ugovorenih i obavljanju postojećih poslova sa kompanijama iz Kine, Italije, Njemačke, Hrvatske, Malezije i Ujedinjenih Arapskih Emirata.

Hotelijeri i putničke agencije koje djeluju na području SBK osjećaju direktne posljedice širenjem epidemije korona virusa kroz otkaze ugovora o prijevozu, otkazivanje rezervacija, a smanjen je broj individualnih rezervacija. Određenom broju agencija otkazane su sve turističke ture koje su planirale dolazak iz Kine, Južne Koreje, Singapura i Malezije na tri mjeseca. Prema obrazloženju iz agencija gosti iz Europske unije otkazuju aranžmane u BiH, a osjetno je znatno smanjenje broja putnika i na putovanjima koja još nisu otkazana.

Tekstilnoj industriji problemi se javljaju prilikom isporuke materijala iz Kine i Italije, što se direktno održava na proizvodnju i isporuku roba. Uz navedeno, susreću se sa rigoroznim kontrolama i zadržavanjima na granicama pri uvozu i izvozu robe, a posebno ističu probleme poskupljenja repromaterijala.

Metaloprerađivačka i drvoprerađivačka industrija imaju velike poteškoće sa nabavkom materijala iz Kine, a obzirom da se zalihe smanjuju i sama proizvodnja dolazi pod znak pitanja. Pored toga susreću se sa problemom transporta roba, otkazivanjem učešća na međunarodnim

sajmovima, kongresima i događanjima te smanjenom potražnjom proizvoda i usluga na domaćem tržištu.

Na prijedlog Ministarstva privrede SBK Vlada SBK usvojila je slijedeće mjere:

1. Institucionalna saradnja Vlade SBK i resornih ministarstava kroz stalni kontakt sa Privrednom komorom SBK, Obrtničkom komorom SBK, Udruženjem poslodavaca SBK i reprezentativnim sindikatima SBK;
2. Direktna saradnja Vlade SBK i resornih ministarstava sa privrednim subjektima koji djeluju na području SBK;
3. Aktiviranje svih članica Ekonomsko-socijalnog vijeća SBK iz svojih nadležnosti na stalnom praćenju, angažovanju, prikupljanju informacija, predlaganju mjera i rješenja za ublažavanje negativnih posljedica na privredu SBK;
4. Pokretanje inicijative privremenog rasterećenja privrednih subjekata sa područja SBK čije je djelovanje otežano epidemijom širenja korona virusa;
5. Stalno tematsko zasjedanje Vlade SBK, praćenje razvoja situacije i donošenje adekvatnih mjera;
6. Koordinirana saradnja Vlade SBK sa svim institucionalnim nivoima vlasti u Bosni i Hercegovini na prevazilaženju negativnih posljedica koje se odnose na sve oblasti društvenog života;
7. Pokretanje inicijative od strane Vlade SBK za uspostavljanje fonda za saniranje nastale štete;
8. Pokretanje inicijative od strane Vlade SBK za uspostavljanje info pulta sa svim pratećim elementima za prikupljanje informacija (kontakt telefon, e-mail);
9. Praćenje i poštivanje naredbi, preporuka, smjernica za kućnu izolaciju i mjera postupanja u kućnoj njezi koje dolaze od Kriznog štaba Federalnog ministarstva zdravstva, Operativnog tima Kriznog štaba Ministarstva zdravstva i socijalne politike SBK i Svjetske zdravstvene organizacije.